

二經同卷

七元璇璣召魔品經  
元始說度酆都經

群二

二經同卷

七元璇璣召魔品經

元始說度酆都經

七元璇璣召魔品經

詳二

七真告五老上皇曰天有三炁主无上三天

也第一天名清微寶天第二天名禹餘元天

第三天名大赤中天上昊天天下至中天人間

謂之三清真炁凝結皆主治三洞治化人間

攝伏百惡生人求福皆至此也列二十八宿  
有中皇九道神炁下布人身養育生民上爲  
九星真君皆好長生有不死之道在此極之  
上名曰九道皆置九宮列八卦皆有真符九道  
令後學佩授大驅鬼神翻天轉地攝伏惡魔  
上能助國扶難下有理救生民之法

天尊以龍漢元年甲午之歲演君北帝降留  
生道戮鬼滅精之法令天人修之故出三五  
步緇躡紀正法豁落七元真符元精神券謂  
之滅魔真券寶章傳于天師令生民無夭亡

之患獲長生妙源矣

是時五老受命稽首請持神符奉經救世不敢宣泄當拔度群生令得無患離諸邪妄入我道源故列真符靈章九道傳告于今有道士專心一志入我此法為之祭酒治民普救

一切衆生俱入妙道鬼神避走若有疾病之家來迎子當立道場然燈先作符九道安九宮八卦之上保宅過魔其病自瘥萬鬼二神宅內魍魎奔馳千里善神加衛三官九府之官悉皆受禁誠元精流蔭當三十年度一人

得之者萬法皆成不得妄泄下愚行屍王三  
之人禍殃九祖長役鬼官後學道士慎戒而  
奉行

七真曰我昔觀三界之中悉為魔邪妖魅所  
亂心生凶惡不能入長生之妙源遊魂物外

群二

為鬼魔所中悲哉悲哉衆生悉迷亂於下鬼

二

今故出靈官真符傳于後學道士斷截精魅

考鬼治病佐天正炁謹按師法不犯書符鎮

壓轉經行道拜奏章表我告今書符治病平

等一心怜愍一切有心必當救濟三龍之後

勤心勸化衆生受經奉法依師求道絕諸世  
榮專心一法奉對師如御前

七真告諸天大魔及五帝大魔一切王等三  
九五七之後當助道士遊行國界治一切疾  
病收攝天下一切邪魔勿令犯害良民若有  
一切強精故魅犯觸吾禁令當付酆都治罪  
殺鬼生人佐助道士行化有靈感矣

七真曰後學道士三界之中有幸我者天靈  
地聖三十六天所奉三官刻書福堂魔王所  
舉位登仙王三龍之後依科奉行三十年方

傳一人如無當書一本藏諸名山為仙官所  
重地祇侍軒得道之時尅入金門也

七元璇璣召魔品經

元始說度豐都經

群二

三

爾時元始天尊告五老上皇及諸靈嶽諸方  
八萬億兆土皇元王太一真君二十四治陰  
官三官北府三宮九府之曹主知生死之案  
所受苦樂報對如聲應響倚伏如是今為一



切衆生故說七元真經出法度人建立瓊瓊

周行三界總三百六十五度下應地機青黃

赤白紫絳已爲天地立七元精象置二十八

宿日月爲之陰陽立二十四曹皆主人間罪

福輕重禁戒今爲末學道士說令一切衆生

咸得安樂永離豐都脫免下鬼拘執之苦也

爾時天尊告北陰大帝七真曰今世人生閻

浮地皆稟日月陰陽王炁所養命係七元炁

係三十六曹五臟係屬五帝六腑係屬六官

皆有邪穢故爲下鬼所亂元炁清炁不能降

令人民凶逆不忠不孝不義不慈不仁不敬  
三光星辰命夭之後皆入酆都爲罪鬼死魂  
不散結聚惡炁衝上天宮

太上愍之令告丹誠爲一切衆生說演七元  
真經出法立符度脫凡迷施建功德若有道

士三界之中能於末劫天地將壞人民呼嗟  
風雨不時天下逆亂疫病殺人時得三洞道  
士持經遊行中國爲一切人作齋建立七元  
道場然燈行道拜奏章表佩服符籙醮謁上  
皇太真九清道主三五之君五帝玉皇元尊

三界官屬咸皆證錄得過八難名刻金簡得道之仙矣

七真曰若來世有道士志慕仙品或居山谷或居朝市遇有災難刀兵水火疫每兆民死傷能為發心燒香然燈行道一七二七三七四

群二

四

十九日日夜然燈召我七真衛靈大神建北帝七元消災寶齋啓謝北陰削落死籍度却  
豐都永離鬼官可以白素七尺書此神符一  
道齋畢送以青囊盛龍函中投北名山中當  
為過豐都二十四獄不為地官所糾凡道士

欲求諸法不受此符鬼神不畏神靈不降爲  
之得罪名係鄴都曹府爲下鬼所繫也

七真曰若有道士志奉我法可得度世名  
入仙籙真人可爲世之良師遇世衰泰之期  
可得行世救化一切衆生令合吾道昔北方

天中太微上帝告我令救天下兆民有災之  
日列我之位建大七元燈一日三時行道轉  
經誦念北極殺鬼天蓬神咒鳴鼓啓建吏兵  
乃降靈官召十天魔王收鬼治病佐天正炁  
扶助國民佩服神符鎮五方斷截精鬼扣震

鐘磬行道四十九轉我當領北方精騎玄斗  
大神衛靈大神五丁大神黑殺大神威劍萬  
丈大神王三十六天天蓬大將五湖大神斗  
中使者三天真君元精大神王黑衣神君天  
網直符各三十萬衆一時圍繞下降道場拂

群二

五

掃妖精千鬼萬神斥逐斬截上張天絀下布  
星絀護助道士行世救治兆民了達一切法  
成就無上道功感於我矣

七真曰太上帝圖籙豐都所部凡道士佩太上  
神咒豁落經籙者不得妙源未佩真經豐都

大符修道不成神靈不助若有道士欲受神  
咒經者齋以白素四十尺紫紋一匹香油米  
麵朱砂紙墨諸師奉受告啓丹誠書寫經錄  
於靜室之中傳受勿令露泄醮謁上皇太真  
九極真君三清道主五帝之神酆都使者列  
醮三十六盤錢馬續命祕而傳之乃說度酆  
都咒曰

太玄紫煙

三素纏旋

九元開道

明魔真言

有佩我咒

名入金門

過我酆都

永離鬼官

三魂通道

七魄陰神

流精玉輝

灌我形魂

上開法門

飛天法輪

催促三界

我得至真

列名太玄

魔王保舉

正斗回旋

急急如律令

七真曰後世之中有遇此經咒者宿有命根

玄圖之人當得傳佩勿令輕師慢經自倚才  
學下愚之者勿傳冥禁不輕慎之慎之

七真告訖乃命五帝大魔三界之神自今  
已去若有道士奉授神咒經歷觀行三界為  
一切衆生轉經行道佩服符籙為一切衆生

有灾之日行我之道救濟兆民懸繒幡花轉  
念真文呼吸神炁佐助道士治病令得無他  
無他之後十天魔王十方三界一切神明我  
悉遷汝之位矣

七真曰末學道士若佩服此符當一心奉師

群二

六

敬如日月禮敬瞻仰不得妄傳下愚行尸媮  
亂麤惡兇悖之人此符皆有<sub>三萬</sub>力士二十  
萬大神衛護殺鬼生民不可輕易輕泄禍致  
七劫永失道真是時五老受命稽首奉持

无始說度<sub>豐</sub>鄧都經





